

大日本史

自一百四十四
至一百四十四



外書冊

和書門	類	三二一六	函	二七	架	一三	冊	五三
-----	---	------	---	----	---	----	---	----

內閣文庫	和書	三二一六	冊	五三	架	一三	冊	三八
------	----	------	---	----	---	----	---	----

內閣文庫	番號	和 13216
	冊數	53(42)
	函號	138 102

史傳載

四十六



淺草入庫

大日本史卷一百四十一

列傳第六十八

權中納言從三位源光圀 修

男權中納言從三位細條 校

藤原師實 子師道 家忠

源師房 子俊房 顯房

藤原師實 関白頼通子也天喜康平間累遷

為内大臣治暦元年任右大臣叙從一位延

久初兼東宮傳尋轉左大臣公卿後三條即



大日本史卷一百四十一

位銳意圖治務革舊弊前此天子多藤原氏所出而政柄皆歸外家帝天資英明加以三條外孫不假攝籙臣權自在東宮每惡賴道專恣賴通亦知為帝不容自後冷泉末年委遠政務屏居宇治榮華物語續古事談每戒師實曰汝一日勿闕朝參宮中無事亦候帝令藏人謁殿上侍臣日二三便報曰某在某也而師實無一日不在廉問累月夜遽召師實問詰問曰卿有女乎對曰有一女帝曰嬪事東宮師實拜謝而出師實實無女子養妻女姪賢

子以是對焉師實欲告之賴通即夜急裝至宇治告謝賴通曰小子常守明戒不怠朝參今日果荷此榮命實是大人懿訓之所令然也賴通感喜出涕賢子入東宮甚獲寵幸既而太子即位是為白河帝賢子立為中宮管初賴通讓閔白於弟教通約百歲之後傳之我子而教通久不辭讓賴通飲恨而終養保二年教通寢疾臨盡奏請讓職於子信長帝許之師實失望帝會至中宮后梳髮淚墮

大日本史 卷之百四十一
濕席帝性而詰之后曰左府聞陛下欲令信
長為関白不堪憂愧將晦跡林藪若然則妾
亦永與君王訣矣帝大驚俄命職事以師實
為関白古事記堀河受禪改関白為攝政寬治
二年拜太政大臣尋辭四年復為関白而視
事如攝政嘉保元年辭関白許之而隨身兵
仗如故聽輦車入宮康和三年祝髮改名法
覺是歲薨年六十世稱後宇治入道又稱京
極関白子師通家忠經實能實忠教經實正

二位大納言稱大炊御門二條即位以外祖
父贈正一位太政大臣能實正二位大納言
稱小野宮忠教正二位權大納言稱難波補任
尊卑分脉忠教子教長小字文殊巧和歌善書學
佐理楷法大治康治間累進至藏人頭正三
位保元元年遷左京大夫為崇德上皇所親
昵上皇將起兵教長諫不能止深以為憂私
告內大臣藤原實能亦附奏教長固陳不可
皆不納及事敗教長薙髮居于廣隆寺法名

觀蓮朝廷以其近臣遣人逮捕保元物語流于

常陸浮嶋今鏡保元物語後白河帝惜其才藝欲召

還用之辭而不就隱高野山以終焉補任今鏡

師通稟性豁達好學不倦博通百家兼工篆

隸絲竹從大江匡房受經史又就太宰帥源

經信學琵琶有冰藍之譽延久永保間累遷

任內大臣嘉保元年代父為関白叙從一位

師通好賢愛士進文學之士黜執利之徒嘉

保永長間天下肅然康和元年瘡發髮際而

薨年三十八世稱後二條関白匡房嘗稱曰

望公威容殆不類本朝人恨不令殊倍人見

之補任尊卑分麻本朝世紀盛衰記初嘉保中延曆寺僧徒

奉神輿祀闕訴事師通使中務丞源朝治拒

之射殺神人僧徒大怒詎朝廷及師通師通

薨世以為神崇盛衰記是時白河法皇讓位仍

親國政百司填咽門外師道憤嘆曰豈有讓

位之君而立車於門者乎自師通亡帝益無

所悼時人嗟惜焉鏡今子忠實別有傳家政正

三位參議性峻急時人謂三條惡宰相家隆
從四位上少納言補任尊卑
外脉今鏡

家忠延久應德間累遷任權中納言叙從二
位寬治二年進正二位五年轉大納言師通
薨家忠序齒宜為関白然父師實以孫忠實
為實為己子意在置撰錄帝乃使忠實視大
政官事康和五年右近衛大將關家忠欲之
法皇亦欲以其寵臣藤原宗通任之家忠私
與忠實謀忠實曰無復他計憑中宮為內援

庶幾得志家忠從其言密請中宮既而法皇
遣右大辨藤原宗忠言旨於帝帝會在便殿
吹笛宗忠進奏帝故為不聞宗忠兼間復奏
帝不應猶吹笛徐起入內宗忠恐法皇之譴
請速得報帝乃出曰以宗通補大將唯命是
聽而朕有所惑昔有教敕政之大者莫過於
官人上自大臣大將下至勅負尉妙簡器用
一從與議之所歸朕深服膺以朕心擬之權
大納言家忠位次才望非宗通之比何舍此

取彼若夫有逸群之材則雖下蔭超擢而可也未聞宗道有之汝以是奏之宗忠及命法皇愧服乃以家忠補之補任保安元年閔白忠實因事失法皇旨法皇怒停內覽欲以家忠代之與其親臣藤原頭隆議頭隆曰稻荷祭日棚閣上事何如法皇乃止先是流言稻荷祭日家忠與其姻家藤原頭季等會飲棚閣上甚失卿相體頭隆以是譖焉愚管明年轉左近衛大將天養元年拜左大臣叙從一位

保延二年聽牛車入宮是歲薨年七十五稱萃

山院子忠宗權中納言孫忠雅太政大臣忠

親內大臣補任尊

源師房始名資定具平親王長子也甫生二

歲親王奇之曰此兒有將軍相後必為大將

及長才識博洽善屬文兼工和歌補任尊

事鏡談閔白賴通約為父子以其妹妻之或有

竊言其醜者師房曰夫婦者暫時之偶合美

惡不足以累心室物集榮華物詔按今鏡為

華物 寬仁四年賜姓源氏叙從四位下改今

名尋任侍從右近衛少將萬壽元年累進叙

從三位補任小三年任權中納言長元康平

間為權大納言兼右近衛大將治曆元年拜

內大臣後三條即位轉右大臣大將如故聽

輦車入宮門叙從一位白河登極益加優異

聽牛車轉左近衛大將尋兼皇太子傅養曆

元年以病辭官職優詔不免遣藏人頭源俊

實就第拜太政大臣是日薨年七十子俊房

頭房師忠廣細師忠正二位權大納言稱澤

補任尊卑分脈 廣細從四位下攝津守尊卑分脈

俊房稍遷天喜中叙從二位任參議前齋院

娟子內親王與皇太后同居俊房與之姦皇

太子大怒奏帝將正其罪帝不得已停其朝

參補任榮華物 既而進正二位任權中納言

然終後三條世不得大用養曆永保間任大

納言兼陸奧出羽按察使右大臣缺帝擇其

人下決與大江匡房議匡房乃推俊房帝曰



朕亦以為然然頭房見為中宮父今若不補
恐被剝碎世其餘先進亦非無所冀望朕以
是難焉匡房曰大臣非序進之官要在得其
人况頭房既歷國司平帝曰歷國司人陟大
臣非無其例如菅原道真是也匡房曰博士
不在此限且揆之人情豈有弟而媚疾兄之
登台司者哉鏡今乃拜俊房右大臣明年轉左
大臣寬治七年兼左近衛大將明年叙從一
位嘉美二年聽牛車保安二年致仕祝髮號

寂俊薨年八十七稱堀河左府尊卑分脈中
右記為年八

十六今後補任今
鏡後拾遺往生傳俊房練達政事自祖具平

三世相繼有文才兼能書殿門榜多其所書

今鏡後拾
遺往生傳子師賴博聞強記有和漢才受業

大江匡房今鏡著
聞集永保美德間稍遷任參議

兼右兵衛督堀河朝左大辨源基綱右大辨

藤原宗忠等皆以後進超師賴為中納言師

賴不平之家居不出數年由是罷右兵衛督

崇德帝以頻年天變屢見敕諸道博士言所

以讓之皆言宜起才能之士不令其抑鬱則
副天心矣於是以前師賴任中納言就職後為
釋奠上卿每事諮訪然後行之藤原成道勞
曰公久家居不從公務宜臨事恐失誤降心
訪求師賴顧曰入大廟每事問無復他語成
通悔愧焉補任十訓抄古事亡何轉大納言叙正二
位保延五年夏旱祈雨丹生貴布禰師賴奉
行之時大內記有故不會少內記文屋相永
撰事不能作宣命師賴代書退曰此宣命必

應得神感果霽沛三日著聞集是歲薨年七十

稱小野宮弟師時亦善詩歌有才名為匡房

見稱至正二位權中納言兼皇太后宮大夫

其筆記有水日記長秋記師時薨後鳥羽帝

命其家上之藏鳥羽北殿顯櫃上曰權大夫

次第師俊亦至顯官補任今鏡尊卑分咏

顯房能和歌文學雖不如兄頗有時望後冷

泉世歷侍從右近衛少將中將為藏人頭累

兼近江周防少伊豫權守任參議叙正三位

再遷為權大納言白河即位以中宮父超兄
 俊房兼右近衛大將永保三年俊房轉左大
 臣頭房代為右大臣仍領右近衛寬治七年
 寢病帝敕赦輕囚以救其病嘉保元年叙從
 一位是歲薨年五十八帝哀悼為廢御膳輟
 朝三日贈正一位世稱六條右府補任今鏡
 榮華物語
中右記子雅實頭仲雅俊國信頭雅雅兼雅實
 別有傳頭仲從三位左京大夫兼神祇伯工
 和歌善書十訓抄源俊賴奉敕撰金葉集頭仲

心不然之著良玉集十卷八雲御抄保延四年薨

年八十一雅俊正二位權大納言國信從二

位中納言稱坊城頭雅正二位大納言保延

二年薨稱楊梅補任尊
 早分脉性疎率無才能堀河

帝善笛嘗謂侍臣曰朕欲奏五常樂急百遍

卿等視草木將舞乃吹至五十遍伶官時元

揭簾曰樹動果如明詔坐者善其對頭雅從

側儼和曰非樹自動風吹之也滿坐皆掩口

著聞集體源抄頭雅亦自患多謬詔造等身佛祈之

帝謂之曰卿每多謬語何不祈佛神已之頭

雅將奏既自祈之時見鼠出曰臣業已作等

身鼠其輕忽多此類也此十訓抄所載粗與不

解詩賦而至公卿始干頭雅古事雅兼有才

識善詩歌稍遷天養三年叙從三位任權中

納言補白河帝亟稱其才幹嘗謂鳥羽帝曰

藤原通俊大江匡房近古名臣雅兼殆不下

此輩將大用之今鏡古保延元年以病辭職

朝廷每有大議鳥羽帝引見而諮訪焉鏡康

治二年薨年六十五稱薄雲補任尊早分脉

大日本史卷一百四十一終

大日本史卷之百四十一

[Blank columns for text on the right page]

大日本史卷一百四十二

列傳第六十九

權中納言從三位源光圀 修

男權中納言從三位細修 校

源義家

子義親 曾孫為朝

義國

孫為義

源義家伊豫守賴義長子也小字源太初賴

義夢八幡神賜劔覺而異之既而其妻有身

生義家賴義悅曰此兒必大興我家年甫七

歲加元服於石清水神宮號八幡太郎

系圖 閏中

抄陸奧話記曰鳥海之戰義家騎射如神夷人號曰八幡太郎按賴義三子皆當元服之時取神社名為為人勇武明決最妙騎射永承中稱今不取

從賴義擊安倍貞任於陸奧戰於鳥海柵大為負任所敗義家馬中流矢藤原則明以所乘授

之義家奮戰連射所向披靡賊嘆其驍勇絕倫

以為神康平五年攻衣川関大破之貞任伏誅

陸奧話記扶桑畧記著聞集曰衣川之戰貞任敗走義家追及之大呼唱和歌曰古呂毛乃多波保古呂比耳計利貞任駐馬回顧續成上句曰斗志遠倍志以斗能美馭禮能致流志佐耳義家善其對不放矢而歸按貞任訪敵義父子數為所敗及其大捷不可以一和歌故

而綴之綴之則非良將蓋和歌者流倡為此說今不取凡十餘年間蕩平

陸奧義家之功居多六年以功叙從五位下為

出羽守陸奧話記今昔物語明年從賴義還京師

百鍊鈔歷代皇紀嘗過関白賴通第談陸奧軍事大江

匡房隔座聞之曰彼誠好男子惜不知兵略也

從者告之義家義家謂其或有之見匡房出深

禮接之遂師之學兵書後三年軍義曆三年左

兵衛尉源重宗與散位源國房搦兵於美濃義

家奉詔討之重宗等聞之遁去水左記畧永

保三年為陸奧守兼鎮守府將軍既至陸奧時藤原清衡清原家衡與清原真衡構兵相戰義家赴出羽圍家衡義家不利而還家衡叔父武衡聞義家敗起兵應家衡乃協議據金澤柵後三年軍記寬治元年九月義家又自將數萬騎攻金澤柵敵兵設伏待之義家遙見雁行亂識其有伏使兵士索之果得伏兵擊殲之乃謂眾曰兵書有之伏兵在野飛雁亂行我若不學則今日將墮賊計中矣後三年軍記著

聞遂進圍柵會其弟義光自京師來義家大悅分兵使將勦力攻之柵中固守矢石而下官軍死傷甚多久之不拔義家為設剛臆二座每日校其戰功分處以勵士卒義光從士腰瀧口季方每戰勇猛無不登剛座軍中榮之吉彦秀武說義家曰柵中守固我軍疲勞攻之無益不如曠日持久彼糧盡計窮則不戰自潰矣義家從之按後三年軍記秀武初

清衡家衡使襲真衡義家為國司援真衡討

衡之敵而清衡家衡其黨與也至是秀武說
 義家以此計遂得破武衡家衡事不相蒙客
 主奈亂蓋賴義討負任之日秀武為一隊之
 將以故歸歟義家而有是舉乎然後三年軍
 記本書脫畧中多闕文事實不可得
 而詳旁無他書可徵今一從舊文
 既而柵
 中食乏武衡就義光請降義家不聽柵中窘
 蹙日甚乃使羸弱逃降秀武又說曰柵中人
 多則糧盡愈速請自今斬之以絕降路義家
 從之時既至冬奧地寒甚士卒患之按後三
士卒悲泣相謂曰吾曹必如去年遭大雪不
日而凍死據之則有去年大雪士卒凍餒兵
敗之事而軍記一夜義家使近臣藤原資通
殘缺無所及定

下令曰今夜柵必陷矣宣放火軍營使士卒
 煖膚軍中怪之及曉武衡家衡果燒柵自遁
 義家追擊之獲武衡家衡斬之梟其黨四十
 八人首陸奧出羽悉平義家上國解曰武衡
 家衡謀反罪既浮於負任宗任今以兵力適
 得討平請速下官符獻首闕下朝議以為私
 鬪而不下官符不賞其功遂棄首於道路而
 還京師後三年軍記按本書為五年事據中
右記百鍊鈔皆係元年軍記誤矣
 五年義家與弟義綱有隙將鬪朝廷詔五畿

七道禁其兵士入京師事遂寢百鍊義家歷

任左馬允左近衛將監左衛門尉叙正四位

下嘉承元年以病剃髮天仁元年卒年六十

八系圖閨初白河法皇患夢魘救義家獻兵

器義家上黑弓一張法皇置之於枕上卒無

患乃救曰汝所上弓豈非陸奧軍中所操者

耶義家對曰不復記憶法皇感其言而數嘆

焉右事談盛衰記曰寬治中堀川帝患魘

執弓三弦帝病忽愈與古事談所一日詣右

大臣藤原賴宗家圍碁從僕唯一人會有犯

人拔刀趨庭聞義家在棄刀就縛義家從士

數十忽來擁之而出其有武備類如此十訓抄

事子義宗義親義國義忠義時義隆義宗為

兵庫允義忠歷帶刀長檢非違使河內守天

仁二年叔父義光惡其榮名使義忠家臣鹿

島三郎殺之義時稱陸奧五郎為左兵衛尉

義隆稱陸奧六郎系圖平治之亂從義朝戰死

於龍華越平治子賴隆稱毛利冠者生僅月

餘以父之故配于下總及賴朝起兵千葉常胤奉之謁見賴朝賴朝見其風采喜曰真源氏之胤也延坐常胤之上東鑑治四年

義親叙從五位上為左兵衛尉任對馬守系圖

康和中橫行鎮西侵凌州民朝廷發使召之

義親不至殺官使以罪流于隱岐義親逃自

隱岐至出雲殺目代掠官物朝廷詔平正盛

發兵討之天仁元年伏誅梟首右獄中右記百鍊鈔

要記皇紀帝王編年記古事談子義信義俊義春為義宗清

義清見行本保元物詔為義作義家第

義國為帶刀長叙從五位下為加賀人遷式

部大輔久安末義國將以衛仗入禁闕路遇

右大臣藤原實能扈衛叱而撻之義國墮馬

家屬大愠直馳燒實能第報怨朝廷遂義國

蟄居於下野足利別業系圖○東鑑養和元年九月文曰足利太

郎藤原俊綱者足利又太郎忠綱之父也為

下野足利莊領主仁安中俊綱有事被改移

領所平重盛賜足利莊於新田義重俊綱患

之訴于重盛遂得回賜據之則義國居于足

利頗非無疑始久壽元年薙髮世稱荒加賀

入道明年卒子義重義康季邦義重義康自
有傳季邦為八條院藏人判官代圖系

為義康和四年父義親流于隱岐義家意使

為義嗣其叔父義忠天仁二年會義忠為從

者所殺事連從叔義細義細逃走近江甲

賀山為義時年十四奉敕討之義細薙髮出

降為義以義細還京師擢為左兵衛尉以故

得道嗣義家百鍊鈔保元物尋為左衛門大

尉或指諸本保元物諸劔卷系圖任左衛門尉

中右記長秋記百鍊鈔天永保安間皆書左
衛門尉蓋在天仁天永間故書于此大尉據
玉海建久二年永久元年興福寺僧徒將攻延曆寺

為義奉詔防之從者僅十七騎戰于栗子山

走之保元保安四年任檢非違使叙從五位下

為檢非違使諸本保元物諸劔卷系圖尊早
分脈等書其說不一見行本保元物諸曰年

二十四推之至保安四年實二十以天仁二年
之從五位下據尊早分脈按系圖尊早分脈

尾張伊豫相摸河內等守而諸本保元物
語劔卷並曰為義請為陸奧伊豫守不免遂

不拜國守其餘歷任
亦無確據故不取久壽元年子為朝在豐



後侵擾鎮西為義坐之罷任台記平井本保元物語系圖尊

早分保元元年七月鳥羽法皇崩崇德上皇與

左大臣藤原賴長合謀將再踐祚數召為義

為義猶豫不至上皇遣參議藤原教長於其

家諭旨為義辭曰臣嘗奉敕降義細于甲賀

山拒僧徒干栗子山雨後有事則遣諸子不

親臨戰以故稍疎軍事况今景迫桑榆豈能

濟用如長子義朝長於坂東曉暢兵事麾下

亦多精銳然既詣高松殿餘子不勝其器唯

八郎為朝長於鎮西材武驍勇善射善戰今

適在京師君宜薦聞且臣疇昔夜夢臣家所

傳名甲薄金膝丸楯無澤瀉八龍月數日數

源太產衣丸八領咸為颯風吹散臣甚惡之

是以固辭教長曰子累世將種當速勤王夢

寢小嫌何足以意保元為義不得已與子賴

賢賴仲為宗為成為朝為仲詣白河殿京師

鎌倉本保元物語載義憲為七人愚上皇大

喜乃以為義補判官代賜莊及名劍鶴丸保元

大日本史 卷之四十一 八

賴賢為藏人平井本保遂率諸子守西門兵

百騎許獨為朝將二十八騎守西河原門諸

保元物詔並云為朝守西門為義守西河原門而其兵數亦不同今從見行本賴長

乃召為朝議軍事為朝進策不聽又與為義

議為義曰臣聞甲兵多聚于高松殿臣領兵

雖寡何不防禦皇輿設出宮宜幸南都斷宇

治橋見機而動勢若不振奉皇輿至關東塞

足柄箱根之險聚八州部下之兵而還皇輿

於京師在我殼中矣賴長曰然但我皇是太

上法皇之正嫡一官亦我皇正嫡理合立使

四宮即位人神共憤方今不乘機決策又期

何時皇輿不可出宮汝宜勵志建功而冀望

恩榮也為義曰臣先決死耳乃出愚管鈔曰

河殿曰麾下兵皆屬義朝來者甚寡兒息二

人僅守此宮何能濟事坐侍敵至非計也請

速幸宇治斷橋防之亦可支不然直幸近江

據甲賀山則東兵來屬兵若不聚退幸關東

據足柄之固招致東兵可以得志儻不能然

則臣願襲高松殿一戰而決矣賴長曰事不

須急我兵寔寡今大和人檜垣冠者以吉野

兵來不日當至汝姑待之為義失色而退今

從諸本保既而帝使義朝及平清盛源賴政

等乘夜來攻我軍奮戰防之義朝縱火上風
 宮中擾亂上皇騎而出宮為義等步從至如
 意山上皇謂諸將曰汝曹速去朕當出降為
 義等對曰臣以死奉之今將何適上皇曰汝
 曹不去還為朕累也諸將涕泣而去為義乃
 匿木工神主家清盛奉敕率兵三百搜索東
 坂下大津見行本保元物語為義聞之轉匿三河鹿
 五郎太夫景俊家見行本作三河三郎太夫近末今從諸本保元物語
 將遁東國病不能行終抵美浦追兵來迫諸

子力戰拒之從兵死亡畧盡復還景俊家往
 黑谷佛寺薙髮更名義法為義謂諸子曰我
 今老憊力不可為將憑義朝乞降義朝蓋以
 其賞格丐我餘命為朝以為不可勸赴關東
 圖後舉為義不聽遣奴告旨義朝間行赴西
 坂令諸子散去戒曰勿聚於一方以為菹醢
 須伺時機相共齟齬而別義朝迎之居其家
 累奏請減死不許義朝不得已遂殺之時年

六十一保元物語見行本平井本並云六十一
 三按諸本既云天仁二年十年十四永

久元年十八年十八義朝奉首朝廷朝廷又賜義

朝葬于北白河圓覺寺為義家于六條堀河

世稱六條判官諸本保子義朝義賢義廣賴

賢賴仲為宗為成為朝為仲行家為家賴定

正親維義義俊經家義成僧仙覺僧賴憲乙

若龜若鶴若天王義朝行家自有傳義賢近

衛帝為東宮仕為帶刀長系圖仁平末居上野

多胡郡盛衰記作武藏誤今秩父重隆養為

子以故屢往武藏比企郡士卒多來歸盛衰

門本平與姪義平有譽久壽二年構兵鬪於

大倉館敗死東鑑盛衰記平子仲家義仲仲

家父沒後源賴政養為子為八條院藏人稱

六條藏人治養之亂從賴政戰死山槐記盛

物語義仲自有傳義廣初名義範王海壽居

常陸志太衆渡來附稱志太三郎先生治養

四年姪賴朝至常陸擊佐竹秀義義廣與弟

行家抵國府見賴朝既而掠畧鹿島社領圖

擊賴朝養和元年遂將兵三萬發常陸至下

野使人誘足利忠綱忠綱應之又誘小山朝政朝政欲迎擊之而兵甚寡偽許之義廣大喜行至朝政家朝政先據野木宮設計敗之義廣退屯于野木宮西南朝政及弟宗政等來攻乘風奮擊義廣大敗士卒逃散下河邊行平政義邀擊之於古我高野之津義廣僅脫奔信濃依姪義仲東鑑壽永二年從義仲入京師義仲欲令義廣為追討使廷議憚賴朝而不許義仲又奏曰向請義廣為追討使而

院宣未下請賜義廣備後督其州兵足以討平氏矣法皇使諭旨曰彼固怯弱恐不勝其任故未下命耳卿以為可則從卿意但其任官不須輒許王元曆元年賴朝使弟範賴義經討義仲義仲使義廣將三百騎防之於一口兵敗奔竄東鑑諸本五月與波多野泰通大井實春等戰于伊勢羽取山敗死東鑑義仲三子曰名義憲称志太三郎文海元年任伊豆守後從義經走西海尋匿居伊賀賴朝命服部時定攻之義憲自殺盛衰記亦曰文治元年志太三郎義憲任伊豆守而不載其從


義經唯異本平家物語說與系圖同義憲或
 作義範或義教今據百鍊鈔東鑑文治元年
 源氏六人任官中有義範為伊豆守考尊早
 分脈山名系圖時任伊豆守者新田義重子
 山名三郎義範而非志太三郎也義廣初名
 義範故系圖盛衰記遂以山名義範誤為志
 太義範而其從義經者伊豆右衛門尉有細
 也故又誤以伊豆守義範為黨義經尉有細
 有細後匿居大和平時定攻之有細自殺是
 伊豆守仲細子而義經之塔也尊卑分脈為
 匿伊賀系圖平家物語傳聞并謬蓋由此也
 義廣見殺既在其前義範終賴朝世仕在鎌
 倉無黨義經之理盛衰記又曰元曆元年六
 月中原親能捕為義之季子前美濃守義廣
 此乃東鑑所載志太三郎也
 今詳舉其異同以備考索
 賴賢為左衛門
 尉保元之亂從父守白河殿西門及義朝等
 來攻兄弟爭先賴賢遂挺戟隔川發矢射中二
 人與弟賴仲率兵數十衝陣力戰及軍敗與弟
 賴仲為宗為成被殺于船岡山諸本保子義
 房為八條院藏人稱八條太郎叔父行家養
 為子賴仲為左兵衛尉為宗稱丹波冠者為
 成稱八幡七郎為家稱淡路冠者賴定稱加
 賀冠者正親稱練絹冠者維義稱松井冠者
 為家義俊継家義成僧賴憲皆養子也系圖
 本保元物語為子四十二人京師本杉原本
 為四十六人曰為義嘗謂我願生子六十
 六

來攻兄弟爭先賴賢遂挺戟隔川發矢射中二
 人與弟賴仲率兵數十衝陣力戰及軍敗與弟
 賴仲為宗為成被殺于船岡山諸本保子義
 房為八條院藏人稱八條太郎叔父行家養
 為子賴仲為左兵衛尉為宗稱丹波冠者為
 成稱八幡七郎為家稱淡路冠者賴定稱加
 賀冠者正親稱練絹冠者維義稱松井冠者
 為家義俊継家義成僧賴憲皆養子也系圖
 本保元物語為子四十二人京師本杉原本
 為四十六人曰為義嘗謂我願生子六十
 六

人每國各居一
人今從系圖 乙若龜若鶴若天王共在六


條堀河家為義既死義朝奉敕使秦野延景
殺之延景抵堀河誘諸子至船岡乃告實鶴
若時九歲謂延景曰汝恐誤聞請遣使質之
若夫諸兄從父戰爭固當處斬吾輩幼弱何
至被刑龜若曰人之在世以親族衆多為榮若
俾吾輩保生猶能勝於麾下從兵數百矣失計
如斯後悔何及乙若諭諸弟曰汝等何愚下
野殿悖逆忍於殺父尚何有於我輩哉意者

清盛建言先剪羽翼然後圖滅我族也下野
殿不之察自招禍階不踰二三年必喪其身
今父兄悉死所當親愛者反為讎敵縱保首
領流離牢落取笑路人污辱父祖不如速見
家君于地下乃先令斬諸弟乙若神色不變
徐取其首剪髮一縷以紙裹之谷書其名使
延景傳送母所且慰諭之而就斬時十三歲
也遂合瘞于圓覺寺為義塋側
保元
物詔
為朝為人魁岸奇偉意氣豪逸膂力過人長



七尺許左午偏長四寸最善射自幼恃勇凌人甫十三歲為義知其不可誨逐之鎮西為朝居豐後稱鎮西八郎自稱九國總追捕使將狗筑紫菊池原田諸族聚兵拒之為朝以婦翁阿曾三郎平忠國為鄉導大小二十餘戰陷城若干年至十五掠畧九國多行不法舉國來訴朝廷使為義召之不來保元物語久壽元年為義坐之解官二年救太宰府捕為朝旦治黨與台記百為朝遂率驍勇二十八人

至京師諸本保元物語並之久壽元年救捕君為我受罪豈忍坐聞乃率須藤九郎家秀透間教惡七別當等至京師今據台記百鍊鈔諸本保元之亂從父詣白河殿左大臣賴長召問謀為朝對曰臣向在鎮西更歷戰陣或攻城陷之或衝圍破之其制勝也無若夜擊臣請今夜襲高松殿三面縱火一方攻之兵火相通敵豈得支唯家兄義朝等挑戰臣能一矢射殺况虺弱如清盛輩乎主上若從他所臣追射從兵從兵必棄皇輿而走臣乃遷



皇輿於此使陛下得再踐祚也易如反掌賴
長曰為朝恃勇使氣事甚麤暴若夫夜擊汝
輩輕騎私鬪則可也方今兩帝爭國豈可輕
舉哉嚮召南都僧徒率一千餘騎黎明將來
宜待彼至整衆而戰為朝退謂人曰軍事異
於朝廷禮節縉紳之徒焉能知之義朝曉兵
機乘夜火攻誰能防之敗在目中華何及既
而義朝清盛等乘夜來襲為朝怒曰不用我
言事已去矣

保元
物語

上皇乃欲獎勵為朝遽為

藏人

平井本保
物語

為朝曰敵兵來逼當施方畧

此豈行除目時邪任官者任我特仍舊稱鎮
西八郎及戰兄弟爭先不決為朝曰臨陳豈
用伯仲之次顧勇決何如耳我嘗以凌諸兄
被逐故欲先不敢若敵強所當難者請數命
我清盛部將伊藤景綱及子忠清忠直來前
為朝曰清盛尚不足為敵况汝曹乎宜斂手
退景綱怒而射為朝曰汝志可嘉我今與汝
一矢試當之乃射洞忠直胸而及忠清鎧袖

一軍驚悚無敢進者清盛引退獨山田伊行
回馬呼曰願一見八郎殿為朝又射殪之詰
旦義朝使鎌田政家追擊政家射中為朝胃
為朝大怒曰豈為汝曹費箭不如赤手捕之
乃張拳而進首藤家季等二十八騎從之政
家擁衆逃奔義朝親督二百餘騎來戰乃大
呼曰我是源義朝也今蒙宣旨指揮官軍汝
曹非我家屬乎宜速解兵而散去為朝應之
曰嚴父判官殿以院宣總督諸軍鎮西八郎

為朝領一陣之兵在此義朝復曰我宣旨使且
為汝兄汝何向我放矢天譴難逭宜棄弓矢乞
降為朝曰向兄放矢與對父執兵天譴孰重
義朝媿屈無語兩軍大交戰為朝矢不虛發
應弦而倒遙見義朝注矢將射之而慮其父
兄潛約勝敗互相助亦未可知乃止義朝兵
來進決戰為朝謂家季曰敵兵甚眾若吾軍
矢竭短兵相接則一以當百亦不可及我欲
發一箭而懾軍將何如家季曰然但勿誤傷

之為朝乃射鏃斲義朝整而貫寶莊嚴院之
門扉義朝進馬曰吾聞汝善射今何不精為
朝曰憚家兄不敢若許以死請示所中即再
泣矢事既急深巢清國進遮義朝馬前為朝
射殺之保元物語兩軍格鬪互有勝負義朝乘風
縱火果如為朝所料軍遂敗績為義為僧將
出降為朝曰不可新院既為主上之兄左府
又非閔白之弟乎而罪不相容義朝縱欲救
父朝廷豈能赦之乎不如赴關東說三浦畠

山小山田等族藉其兵馬管領東國官兵來
討則為朝竭力拒守若不能支死未晚也為
義不從遂就義朝乞降見行本保元物語按
曰為朝勸為義至關東起兵使諸子分據東
海東山北陞諸道建都鎌倉設置百官如平
將門所為其言浮夸虛誕蓋為朝逃去匿于
作者從而緣飾耳故今不取
近江輪田盛衰記曰匿近江山寺劍卷曰
至筑紫匿于田根今從見行本保
元物將奔筑紫而聞清盛部將平家貞率眾
入京師不果既而罹疾僦溲室而澡浴會佐
渡兵衛源重貞奉敕搜索有人怪為朝容貌

告之重負須其浴率兵三十餘諸本保元物

今從見圍湍室為朝裸程赤手曳木毆殺數

人遂被擒傳送京師帝覽之於北陳廷議處

斬以其非常壯士減死一等拔兩臂而流于

伊豆大島居五旬創漸愈臂力雖稍減注矢

及長於舊自謂我先出自清和天皇不可失

袒先之業此地是朝廷所賜我也見行本保元物語

於是自領大島及三宅島八丈島美計島澳

島五島按鎌倉本平井本保元物語加行本

及京師杉原本奪其租稅島中藏弓箭非我黨者咸

奪而焚之舊臣亦稍來屬勢日熾居十年偶

見海上有鷺飛意其有島航海一晝夜遂得

至一島傳言鬼島為朝以威服島人以一人

歸于大島自是暴橫加甚土人患焉嘉應二年

領主狩野以藤原茂光至京師奏狀朝廷詔

茂光率兵討之軍艦已到大島為朝謂從士

曰敵軍縱及一萬我何不擊破之顧吾曹耀

武九國西州之士咸誓服保元之亂東國之

兵面見我射藝雖遭詭竄得為島主取快一時而違敕方命終不可免多殺人民何益之有吾志決矣汝曹當悉離散乃執弓出海濱注大箭遙射一兵艦去水可五寸前後洞之兵艦忽淪溺死者衆舉軍大懼不敢進艦為朝歸家彙拄刳腹而死諸本保元物詔○見京師本曰二十八而諸本並曰保元元年十月八歲然則至嘉應二年得年三十二杉原本曰三十八系圖曰安元二年被討與杉原本合諸說紛紜未知孰是加藤景廉進斬其首傳京師而梟之諸本保元物詔為朝射藝

絕倫強弓長箭世所不及後世傳其鏃為鎗相傳為朝所至諸島至今立祠祭之釋玄昌曰予聞之黃耆為朝征伐之後有其孫子世為琉球之主君未知是否按鎮西人至今相傳中山王即為朝之裔也蓋當其攻掠諸島得琉球亦未可知附備參考子義實為

上西門院判官代次實信為上西門院藏人系次為賴生干大島稱島冠者及為朝自殺先刺殺之次為家稱大島次郎其母抱而逃因得免諸本保元物詔○難太平記足利系圖並云足利義兼實為朝子義康養為子附以備攷

大日本史卷一百四十二終

[Faint bleed-through text from the reverse side of the page]

大日本史卷一百四十三

列傳第七十

權中納言從三位源光圀 修

男權中納言從三位細條 校

平忠盛

子經盛 經盛子經正 教盛 忠度 教盛

教盛子通盛 教經

平忠盛鎮守府將軍貞盛六世孫也 系高祖

維衡任下野守以勇略名世 古事談 長保中與

平致賴撰兵而鬪事聞徙於淡路 小右記 日本紀畧

父正盛嘉承中為追討使擊源義親於出雲
有功亦以驍勇著百鍊忠盛歷事白河堀河
鳥羽三朝叙正四位上任播磨伊勢備前等
守為檢非違使左衛門大尉系大治中山陽
南海二道海賊起忠盛奉敕捕之頗有功朝
群天養元年鳥羽上皇創得長壽院敕忠盛
掌土木事以功除但馬守亡何擢刑部卿聽
內昇殿上皇殊寵遇之群僚猜忌昏議陰圖
之期以豐明節會忠盛聞之謂我門雖微世

為武臣一旦受辱則大損家聲避而不朝則
恐得怯懦之譏全身免耻是良計也乃製木
刀塗銀簿飾室如鞘卷而佩之從其臣平家
貞以自衛忠盛昇殿向閣處抽刀視之光芒
如冰群僚惶懼謀遂不行御宴既闋歌舞送
興乃命忠盛奏舞群僚變調而歌曰伊勢純
子酸獲也忠盛微時居伊賀伊勢間也呼彼
氏族曰伊勢平氏且眇一目故託言以嘲平
與純子音相近抄忠盛憤恚宴未罷而退及
與酸獲國詔相近抄

其出解刀授主殿司而歸既而群僚奏言忠
盛不由敕而帶劔上殿恣設兵衛請削官籍
處罪上皇驚召忠盛問之忠盛陳謝曰嚮家
僮聞群僚有謀蹤跡而至臣實不知罪固無
所逃如臣佩刀即附主殿司請按驗之然後
論臣罪狀於是命取刀視之乃木刀也上皇
歎曰良將用心固當如此兵士赴難亦其常
態勿以罪也初白河上皇有寵姬作別宮於
祇園社東南居焉世稱祇園女御上皇屢幸

一夜潛行忠盛以北面從焉會暗而驟至前
路有鬼頭髮如束鍼身有光旦明旦滅見者
驚怖上皇命驅之忠盛進將射之意其非鬼
疑狐狸為妖也不如生獲徑前捉之乃一老
僧也為點燈於社戴麥稗而蔽兩提油注持
燬罟行吹其火於是得其實衆心始安上皇
稱其膽略平家物語一夜入直有宮女過忠
盛前美而艷忠盛搯其袿挑之女詠和歌而
誰何忠盛答歌寓以己名女乃上皇所寵兵

衛佐局也○盛衰記有身出而賜忠盛生清盛

賜物語曰祇園女御有身出仁平三年卒年五

十八子清盛經盛教盛家盛賴盛忠度清盛

賴盛各自有傳家盛從四位下右馬頭先父

而卒系圖按平治物

經盛工和歌善吹笛系圖平家物久安六年

叙從五位下保元嘉應間累遷叙從三位治

兼初進正三位任太皇太后宮大夫尋兼修

理大夫養和元年任參議公卿補任壽永二年從

帝于西海壇浦之敗潛入山剃髮既而赴海

死東鑑平家物語○盛衰記曰自及而死平

是知孰時年六十一子經正經俊敦盛經俊從

五位下若狹守戰死于一谷盛衰記平家物

教盛為兄清盛特所友愛因築宅於六波羅

總門側居焉世呼曰門昭殿盛衰記久安四年

以木府奏任左近衛將監尋為藏人仁平初

除淡路守保元中兼左馬權頭遷大和守補任

平治元年右衛門督藤原信賴謀及教盛與

弟賴盛等率官兵攻之信賴伏誅以功任越

中守補任岡崎本永曆元年遷常陸外累叙

正四位下補任應保元年坐與右少辨平時忠

謀立皇弟憲仁為儲盛衰記教盛誤或奪官作賴盛今據山

槐記明年任能登守兼內藏頭仁平元年兼

春宮亮及高倉即位為藏人頭任參議叙正

三位養和元年任權中納言補任壽永二年從

帝赴西海十一月將兵禦源行家於播磨室

山敗之盛衰記平家物語○盛衰記曰門服

兵一萬陣室山阪按稱新中納言者知盛也

然子可稱門限中納言或但稱中納言且云

父子而下載子教經事知盛諸子可從此役

者知章一人而下文無所見明其行新字平

家物詔長門本兼載教盛知盛亦足以為據

見行本不載教盛而載知盛重衡今不取

三年平族奉帝據一谷城行叙位除目拜教

盛正二位大納言教盛作和歌曰計右未泥

毛阿禮婆安流登耶於母布良牟由迷迺字知珥

毛由迷遠美留可奈遂辭之盛衰記平帝崩

於壇浦自及而死醍醐雜事記盛衰記○東

大日本史 卷之百四十一

五位下戰死于一谷時年十七系圖盛衰記

次忠快次盛緣並為僧系圖按補任通盛初

越前守以弟近江守親房任之除目大成抄

有去蕃助長繫亦為教盛子據此教盛子不

止於此然不知兄弟之行在弟幾且通盛以

下諸子或有改名者亦未可知故注于此

忠度生長于熊野膂力過眾驍名震于一時

兼善和歌就五條三位藤原俊成學焉盛衰

家物任至正四位下左兵衛佐薩摩守系圖

和元年與姪重衡等破源行家於墨取川

忠度麾下殺獲頗多擄行家子藏人二郎行

賴東鑑盛衰記壽永二年源義仲抵延曆寺

將犯京師宗盛大驚分路遣諸將忠度率兵

一千向于淀平家既而宗盛召還諸將奉帝

奔于鎮西三年源義經攻襲一谷忠度時守

西門事出不意平軍大敗績忠度與左右三

人走水濱東兵岡部忠澄率十餘兵大呼薄

之忠度給曰我是東兵乃躍馬而走忠澄垂

及忠度從士遮而禦之忠澄遂進與忠度交

搏墜馬忠度抽刀刺之三纔傷其額下忠澄

大日本史 卷之百四十一 六

從率馳至浙其右臂忠度自度不可免曰汝
旦去我將唱佛名而死乃引忠澄投之丈餘
於是解帶脫甲西向端坐高唱佛名忠澄跪
問姓名忠度曰汝懃哉今至此極豈告姓名
乎汝獲哉必受重賞疾斬忠澄遂斬其首時
年四十一忠澄閱其鏡有書一卷平日所作
和歌也中記姓名因知其為忠度初忠度赴
鎮西也還自淀潛抵五條見俊成叙別出書
一卷乃言曰忠度自奉教誨已來無時不謁

見然比年天下糜爛京師騷繹不得屢奉杖
屨今天子播遷我家禍敗旦及聞公向奉敕
撰集竊冀忠度亦以公之庇得留一首不意
今日至于此若至昇平必有其舉卷中有足
取而載一首雖瞑目於黃泉猶生之年也俊
成攬淚許諾忠度喜謝而出及俊成撰千載
集取故京花一首載之然畏朝議不書姓名
人為惜之

平家物語
盛衰記

有子曰忠行號河田藏

人系圖河田
一作八田

經正工和歌善彈琵琶少小入仁和寺給事
守覺法親王親王甚眷愛之賜其所愛琵琶
名香山平家物語盛衰記仕朝叙從五位下為皇后
宮亮但馬守進正四位下系圖及帝西狩齋琵琶
詣仁和寺謁親王彈數曲叙別聽者莫不
墮淚彈罷還琵琶於親王曰此是宮之所賜
常欲終身寶愛之今將遠別若身沒西海寶
器亦失墜是以奉還如有亂平再賜之親王
垂泣不能答經正遂作和歌辭去壽永三年

一谷城陷走過大藏谷東兵莊高家大呼曰

本書莊作見敵而走豈非平家公達乎來與

我決死經正回顧曰非敢走也爾非我偶高

家怒急迫之經正度不可免下馬引刀自潰

腹而死盛衰記○諸本平家物語曰經正為

綱南都本曰成田有子甫六歲平氏族滅斬


于六條河原長門本平家物語

敦盛叙從五位下以其無職掌世呼曰無官

大夫一谷城陷平族棄舟而遁敦盛獨後單

騎赴水濱望從凡知盛船入海一町許義經
麾下熊谷直實馳馬大呼曰公是非平氏大
將乎我受天下第一剛者熊谷直實也還與
決死敦盛旋馬至水濱與直實交搏墜馬展
轉直實遂騎其上加膝於鎧袖欲拔刀斬首
俯視其面婉然美少年也直實心憐之不忍
施刃乃問其姓名敦盛曰唯速斬直實曰若
不詳姓名則之卒伍不示辱乎敦盛乃告實
遂為所害時年十七平家物語

通盛初名公盛永曆元年補藏人叙從五位
下長寬治美間累遷正四位下越前守兼中
宮亮叙從三位補養和元年三月與重衡等
將兵擊源行家於墨股敗之吉記東鑑平家
物語盛衰記
六月城資永與源義仲戰敗績通盛與但馬
守經正再將兵擊之玉海吉記東鑑盛
衰記平家物語九月
戰于越前大敗玉海吉記東鑑百鍊鈔○盛
衰記越前作越後今據諸實
錄訂經正犇于若狹玉海通盛退據敦賀城欲
與經正合謀再擊經正濡滯不至北兵來攻



城不能支十一月回軍京師吉海記壽永三年

二月從教盛在備中下道時讚岐廳衆二千

餘人叛赴京師路襲其營教盛怒令通盛教

經擊之廳衆逃走泆路属源義嗣義久通盛

與教盛急攻珍之欲進抵伊豫攻河野通信

乃赴四國教經至屋島御碕通盛至阿波花

苑通信懼走安藝平家物語三月一谷城陷

通盛走過港川佐佐木俊綱追及之通盛力

戰而死盛衰記後網作時年三十系圖

教經叙正五位上任能登守壽永二年因十

月源義仲遣其將矢田義清海野幸廣來攻

軍次備中水島將犯屋島宗盛遣重衡通盛

教經大率舟師拒之北兵七十餘騎侵曉而

發教經激勵士卒乃以纜方連戰艦一千餘

施板以便進退舟中坦然如大路平家物語刻期

會戰教經善射躬自接戰射殺敵將高梨高

信等以下十三人盛衰記會日蝕天且陰晦北

兵不辨東西大敗而走明年二月從父在備

中下道讚岐廳衆率叛赴京師途襲其營教
經大怒曰此是奴輩昔秣我馬飲我馬今忽
歸源氏翻射我營甚無狀也請鑿盡之乃駕
輕舸與兄通盛窮追之廳衆走淡路屬源義
嗣義久教經兄弟遂抵淡路一晝夜間急攻
之斬義嗣義久餘黨逃散悉追殄之獲首一
百三十二級報捷福原又欲攻河野通信乃
與通盛分路赴四國教經抵屋島御碕通信
懼走安藝與奴田田召太郎合教經進而破之通

信逃還伊豫奴田太郎窮蹙而降執之以還
教經又聞義嗣黨淡路人安摩宗益率其徒
赴京師要之西宮海上宗益不得進退泊舟
於和泉吹井浦其黨紀伊人因部重茂往而
與之合俱赴京師教經又抵紀伊擊破之獲
首三十六級又報捷福原豐後人尾形惟義
海田宗親臼杵維高各率其衆據今木城通
信亦自伊豫往屬之教經將兵二千餘騎攻
之一晝夜拔之惟義通信敗走教經還福原

三月源義經將攻一谷先至三草山資盛有
盛等率衆拒之夜為義經見襲棄軍而走宗
盛欲更遣兵禦之乃使使督促諸將諸將皆
沮宗盛謂教經曰三草難於防禦向遣平盛
俊董督軍務兵士猶若無主將為之何如君
宜往指示方略激勵軍士教經對曰臨軍對
敵者雖以身率先而有時蹉跌况諸將辭難
就逸如此而欲收其利我未曉也苟欲全身
不如不赴戰場之為愈諸將所辭憚教經必

向之公勿為意遂赴三草結營山下有二三
驚鹿突出教經謂士卒曰鹿者野獸也當畏
人逃藏今來於此意是敵兵潛襲汝等莫怠
警備義經果率輕銳數千黎明奄至平軍大
敗績諸將多殞命宗盛又奉帝徙屋島四年
義經攻屋島平族乘舟避之海陸放矢合戰
宗盛特使教經登岸拒之教經乃率敢死三
十餘人回舩登陸放矢大戰東兵多死傷義
經麾下士佐藤繼信中矢墜馬教經家僮菊

王進將斬其首繼信弟忠信射而殪之忠信
從卒欲取菊王首教經乃投菊王投之於舩
既而日暮東兵退于牟禮高松是夜教經欲
襲義經江見守方與平盛嗣爭先鋒達旦以
故不果義經凌晨來攻盛嗣以下精銳各執
短兵奔衝縱橫殊死當之東兵少沮教經別
將兵二十人放矢禦之然騎步不敵廻舩而
退壇浦之敗東兵素聞教經驍名爭先欲獲
教經挺身血戰遠者射而殪之迫者搏而投

海從兄知盛見教經奮鬪不已止之曰大事
已去君宜自圖勿爾多殺彼等皆卒伍不足
與也教經乃欲與義經決死會義經舟摩教
經舟而過教經乃脫兜鍪徹鎧袖躍入其舟
回視覓之義經自揣不可當劇於衆中避之
教經遂認義經大呼自名欲前搏之義經從
士遮前蹴而倒之義經得間遷別舩教經齊
力雖絕衆驍捷不如義經以故逸之東兵安
藝家村與手下力士二人齊進當之教經蹴

其一人倒海雙挾二人遂没于海盛衰記平

時年二十六平家物語系圖一按系圖一按一本為

記作自及而死未知名孰是○東鑑一諸將首博

教經為遠江守安田義定所獲并諸將首博

之京師梟于獄門盛衰記平家物語以明

年死于壇浦詳載事矣所記各異東鑑霸中

之正確者二書之所不及固無異論雖然如

二書亦非近世之作唯其傳播愈久愈誤至

論如粹教經則讀者必有根據嘗實之例捨之恐非公

有將可戰死壇浦教經在焉玉海本月十三日

諸將可戰死壇浦教經在焉玉海本月十三日

海與東鑑均是其時日錄而其異如此或謂

隨紳之家未必不可悉信然辦事務則詳核在擇

之如何今以意料之教經生千戚里長干京

華人執不識其面東兵與京師審之與否可

推而教蓋既定所獲之級雖非教經當時

以為教蓋既定所獲之級雖非教經當時

而書之固宜至屋島及海上事東鑑唯以捷

報粗記梗概若以二書所云全為妄誕則

源平諸將士事一切捨之乎今考究其

實甚難於取捨因取其詳以存疑耳

大日本史卷一百四十三終

大日本史卷一百四十四
列傳第七十一
權中納言從三位源光圀
修
男權中納言從三位細條
校
清原武則
藤原清衡
曾孫恭衡

大日本史卷一百四十四

列傳第七十一

權中納言從三位源光圀

修男權中納言從三位細條校

清原武則

藤原清衡
曾孫恭衡

清原武則出羽山北俘囚長也

按系圖武則父兵部大輔

光方祖父在京權大夫基光右大臣夏野之裔也然陸奧話記今昔物語尋書並云俘囚長而不載父祖之名源賴義討安倍貞任累頗非無疑故今不取

年不能克徵兵於武則及兄光賴康平五年武則
率子弟萬餘人會賴義于陸奥栗原郡營圍賴義
與諾大悅乃以武則及其子武貞甥橘貞賴賴貞吉
彦秀武等分為隊將武則遙拜京師誓曰臣率子
弟應將軍命志在立節不顧殺身八幡三所照臣
丹誠所不致死力者神明強之將士咸感激既
而官軍至萩馬場將攻小松柵擇日不吉賴義駐
軍不進既而議決戰武則曰官軍之怒猶如水火
用兵之機不過此時遂以騎兵攻破之久之會


霖兩官軍食乏負任自將精兵來襲武則告
賴義曰賊失計將投首賴義曰官軍分散孤
營兵寡賊將大眾奄至勝算在彼而卿謂失
計其意如何武則曰我軍為客兵常困糧乏
利在速戰若賊守險不戰則客兵易疲不能
持久勢屈情見為彼所乘僕常患之今賊進
來欲戰是天祐將軍也且賊軍有黑氣如樓
是敗衄之兆也官軍必得勝賴義悅曰用卿
忠謀將耀朝廷之威卿其勉旃武則曰今為

將軍棄命輕如鴻毛寧進而死不退而生也
遂戰大敗之武則將精兵八百餘乘夜進之
更選敢死士五十人從間道入賊營縱火官
軍見火光鼓譟薄之事出不意負任營大擾
亂自相殺傷遂棄高梨宿石坂柵退保衣川
關武則與武負賴負分道攻之不利武則下
馬立河岸會見兩岸有膠木枝葉覆河有從
士曰久清矯捷絕倫武則命緣樹踰河燒賊
營久清跳梁攀岸樹而縣繩索士卒率三十餘

人相引而度竊火賊將藤原業近營負任驚
逃官軍進至鳥海柵賊棄柵而走賴義悅謂
武則曰得入此柵實卿之力也見我顏色如
何武則曰將軍鞅掌王事掃風沐雨在軍十
餘年甲冑生蟻蝨天地感精忠將士皆樂為
用破賊衆如決積水愚臣執鞭相從而已何
功之有今見將軍白髮及半黑如得負任首
則髮盡黑皮膚悅澤矣賴義謝曰卿率子
姪發大軍被堅執銳自當矢石陷陣拔城其

多齎酒饌盤盛黃金自捧之謁見會真衡與
容圍碁志不在秀武秀武危坐良久怒以為
我真衡之姻屬也習於時勢以隸臣度年光
屈膝聽於庭上而不之省豈所可堪遂投金
趨出戒從者環甲縱啖所齎酒饌而歸于出
羽真衡聞而大怒發兵往攻之秀武慮眾寡
不敵遣使說清衡家衡襲真衡堡塞清衡等
悅後三年軍記所載如此今按家衡子真衡異
母兄弟而清衡養於武真則異父兄弟也秀
武援為己黨使敵真衡事不可解豈兄弟者
故怒隙日久一旦聞秀武之吉遂構兵乎將

邊塞之人扭於夷風見利忘乃發兵襲之燒
親于今並不可知一從本書
瞻澤郡白馬村人家四百餘區真衡聞而大
驚急馳還清衡家衡亦自圖不可敵引兵而
還永保三年源義家為陸奥守真衡乃罷兵
而邀饗之事畢又發兵往攻秀武清衡家衡
乘間又襲之會義家臣藤原正經伴助兼檢
察本郡真衡妻遣使謂曰清衡家衡雖來襲
兵馬有備不足懼也但婦人不可將兵願二
公來此領眾指授方畧且報戰鬥之狀於國



司二人即來入城清衡家衡引還義家赴出

羽攻家衡沼柵家衡拒卻之按本書清衡家

云武衡聞國司敗還來出羽謂家衡云云文

義不屬事實難明蓋清衡家衡引兵而還真

衡請受家使擊之義家進攻不利賊勢稍振

故武衡有是言乎然此間闕文真衡事跡無

復所見而武衡出兵之申亦不可

知今據武衡之言高酌大意書之叔父武衡

率兵造沼柵謂家衡曰義家英畧邁人而君

以孤軍卻之是非唯君之美名亦吾曹之榮

也乃共合謀棄沼柵據金澤柵義家聞武衡

來援大怒寬治元年九月自將兵數萬攻之

前鋒奮擊苦戰柵中悉力拒守屋岸壁立矢

石俱落官軍死傷甚多本書載前鋒之戰在

前蓋錯簡也吉彦秀武說義家以曠日持久

之計義家從之乃合長圍自圍其二面第義

光圍其一面清衡重宗圍其一面按後三年之

清衡家衡其黨與也及義家為國司真衡罷

兵奉之則秀武其仇敵也今屬義家攻家衡

其間必有事故見義家傳清衡重宗雖不

知為何人而本書闕畧並不可疑以傳疑


事至此始見蓋有故與秀武屬義家而不攻

久之武衡使言義家陳中曰久罷戰鬥柵中

六

無事我有健兒曰龜次勇而善鬪請選銳士
一人與之劇義家輒於軍中得壯士鬼武出
而應之鬼武擊殺龜次柵中耻之出而大戰
既而柵中食盡武衡就義光請降義家不許
柵中使羸弱逃去義家恚殺之窘急日甚十
一月本書為寬治五年家衡自燒柵變服遁
誤矣說見義家傳去武衡匿池水中以草覆面義家兵搜索獲
之義家責曰對勁敵請援戰鬪之常也汝父
武則應官符屬先人而有功先人持奏拜鎮

守府將軍此非酬其勲勞乎今汝忘恩搆逆
且使千任言汝藏先人名簿果有諸命斬之
武衡望見義光乞哀義光謂義家曰赦降將
家之常而將軍固欲殺之如何義家作色曰
天降虜者苟見偷生悔罪歸款如宗任等是
也武衡身被俘獲窮蹙斫生可謂降虜乎遂
斬之又捕千任斷其舌家衡為縣小次郎次
任所殺次任使從者獻其首于義家初家衡
有良馬愛之甚名曰花柑子及柵陷惜為義



家附獲自射殺之至此其黨殺獲殆盡後三軍

記按真衡攻秀武之後本書不復書真衡事

不知其所終清衡亦然說見上武衡率兵造

沼柵之前亦無所見不知何由連兵合勢蓋

真衡清衡有始無終武衡有終無始皆史之

闕文也今並無所攷

藤原清衡鎮守府將軍秀卿七世孫秀卿生

千晴為鎮守府將軍千晴生千清千清生正

賴為下野守正賴生賴遠居下總賴遠生經

清即清衡父也系圖經清始遷陸奥稱宜理權

大夫後三年聚安倍賴時女賴時領伊澤江

刺等六郡恃疆憑陵不輸貢賦永承中太守

藤原登任擊之不克朝議選源賴義赴任賴

時素服威名屈己恭順既而因子負任事據

衣川關而反經清與女塔平永衡將兵應賴

義永衡稱伊具十郎仕前守登任或說賴義

曰永衡反覆之徒必為內患不如殺之賴義

以斬之經清懼不自安竊謂其客曰前車覆

後車監也十郎已歿吾不知死所矣客曰公

雖欲赤心事將軍必疑而不信為公計不如

拔歸安大夫轉禍為福今而不断悔無及矣
經清乃宣言軍中曰賴時將遣輕騎間道襲
取將士妻子軍大騷擾賴義馳還國府使金
為時留攻賴時軍不利經清乘間率兵八百
餘奔赴賴時俄而賴時戰死賴義與貞任戰
敗績官軍多死傷賊勢大熾經清私造符遣
諸郡徵納官物令曰可用白符不可用赤符
國符亦有印私符白無印賴義不能制對壘
數年多方經畧得清原武則兵萬餘人攻小

松高梨石坂等柵皆破之貞任奔鳥海柵經
清與貞任弟宗任保厨川柵地勢峻絕守禦
甚固官軍悉力攻之縱火奮擊遂拔之貞任
敗死經清被虜賴義惡其反覆故以鈍刀徐
斬之曰今能用白符乎陸奧
話記經清既被誅清
原武貞納其妻生子家衡故清衡從其母養
於武貞武貞子真衡藉父祖業勢浸彊大與
部屬吉彦秀武構兵秀武慮衆寡不敵遣人
訛清衡家衡曰真衡恃勢驕縱君輩以臣僕

被遇何不自愧彼今悉衆來攻宜速構虛焚其堡塞虜妻孥彼進無所攻退無所據必成擒矣我得報怨雪耻則雖為真衡喪元亦所甘心也清衡家衡大悅發兵襲之真衡聞之道還清衡等亦料不可敵引兵而還永保三年源義家為守真衡分兵留守躬往擊秀武清衡與家衡貳遂屬義家攻家衡及其叔父武衡于出羽滅之後三年軍記領瞻澤加賀江刺稗枝志波岩手六郡之地任鎮守府將軍東鑑

文治五年○按陸奥六郡清原真衡所領清衡與真衡文戰數年而一旦得之父經清以反黨被誅而其子任鎮守府將軍事並不可解然東鑑載豐前實俊言曰清衡義父武貞卒傳六郡於清衡又載由利八郎言曰故御館三代業鎮守府將軍之彌蓋義家任關還京師之後蠶食鄰境遂為己有自此稱鎮守府將軍遐裔流遠王化所不及處至如此後三年軍記浙箇頗多不載清衡載于自江刺家衡及得六郡之緣由今並無所考自江刺郡豐田移岩井郡平泉而卒子基衡為陸奥出羽押領使東鑑奥羽去京師遼遠樞紳猶以蝦夷視之而地廣民殷基衡奕世豪族吏民奔附勢過國衙宗像師綱為陸奥守括公田基

衡隱信夫郡閱數守不納官吏使者齎宣旨
行基衡與本郡地頭大莊司李春謀拒之爭
鬪傷使者既而基衡懼謂李春曰今守以不
循前例驅逐被創然而具狀奏上違勅之罪
不可追將如之何李春曰是所素料也主命
難辭為放一矢陽為不知歸眾臣等刎首謝
守何虞之有乃拘李春送守所基衡惜其勇
悍陰遣妻贖黃金萬兩他物若干贖李春師
綱不許遂斬之

古事談

基衡子秀衡沈毅有度

量嘉應二年任鎮守府將軍源賴朝起義平
氏之師數敗平宗盛欲藉秀衡兵馬擊之請
授陸奥守奈其兵朝廷以為今雖不新授職
彼國奄有闔境不如授之養和元年就授陸
奥守秀衡受除命依違不敢出兵

玉海東鑑平氏

滅雄據一方不與賴朝通賴朝致書修文其
貢獻遞送京師初賴朝弟義經依秀衡謀與
俱圖平氏居有年聞賴朝起欲往從之秀衡
堅留不遣及與賴朝閱搆流離軼軻問道遁

歸時賴朝建大勲威武四播秀衡既老憂子
孫不能守業聞義經來而喜以為奉二州兵
任其驅使賴朝無敢所藉手館于衣川禮接
甚篤賴朝建言秀衡納反者崩亂院宣詣責
秀衡謝無異圖然奉義經不衰文治三年卒
遺言諸子推義經為大將軍舉國聽命愚管
子國衡恭衡忠衡高衡通衡賴衡
恭衡迨秀衡卒為陸奥押領使兼管出羽賴
朝聞秀衡卒屢乞院宣使恭衡密圖義經恭

衡懼文治五年襲義經於衣川殺之遺首
鎌倉既而賴朝欲取二州乃以恭衡遲回不
速殺義經為辭奏請恭衡沮格王命庇護反
者發兵討之朝議不允其年秋遂分三道擊
之千葉常胤八田知家由岩城岩崎會遇隈
河北企能負宇佐美實政由念種子方關別攻出
羽親將大軍由下野入白河關恭衡築城阿
津賀志山以庶兄國衡為將指麾諸軍愚管

本書國衡稱父太即恭衡稱母太即蓋國衡
母賤恭衡母貴故國人称之云然非幼名也

故不 金剛別當秀細率精銳貳萬騎守之築
城荊田郡引名取廣瀨二河水柵相接栗原
三迫^{ミツセ}一野^{イノ}諸砦皆置重兵遣田河行文秋田
致文守出羽恭衡軍于國分原鞭指賴朝先
鋒畠山重忠攻阿津賀志山工藤行光小山
朝光從之大軍繼至秀細敗走信夫莊司佐
藤元治張弓弩遮于石那坂常陸入道念西
父子潛甲出伊達澤原橫衝之元治以下渠
帥十八人戰死恭衡軍褫氣賴朝踰阿津賀

志山攻太木戶國衡勇壯善拒諸將出死力
鬪矢鏃成堆聲震山谷朝光等凌土陽^{ツヨク}鳥取
之險出大木戶後山大呼發矢城中警擾國
衡失據奔于大関山道被殺部將金十郎勾
當八等構壘根無藤據險而拒亦所破出羽
守將田河行文秋田致文亦與比企能負守
佐美實政戰敗死恭衡退陣物見固保多加
波波城道過平泉不能入放火燒城樓櫓屋
宇一時灰燼賴朝進圍多加波波城恭衡望


風而遁窮困不知所出遣卒遺書賴朝營戒
使速逃去書意以為豫州依阻本州在父秀
衡時恭衡所不知及父沒聞命戕之有功而
無罪何故興戎征伐棄捐城邑徬徨山林二
州既奉威靈冀赦一死效力行伍不爾處遠
流二途或蒙允許則置一行答書于比內郡
辭旨懇惻賴朝不聽分兵搜比內郡恭衡奔
蝦夷島到鰲_子柵其將河田次郎反襲恭衡殺
之時年三十五函首詣軍賴朝執而責之曰

恭衡在吾握中不可假力於人汝背譜弟之
恩迫險規利大逆無道宜懲將來遂斬之梟
恭衡首于路傍度兄國衡驍勇善戰居城西
門外稱西木戶太郎大木戶之敗奔于大關
山道遇和田義盛回嚮將射義盛先射中膊
富山重忠從兵大串重親追殺之國衡極豐
肥有良馬曰高楯黑騎而上下平泉高山日
三次馬終不汗至是陷濔鞭不能拔遂為重
親被斬自國衡先軍無統紀恭衡終敗弟忠

衡稱泉冠者守父遺命事義經最謹及恭衡
有異圖獨不與恭衡殺之高衡稱本吉冠者
恭衡敗出降從父俊衡稱比凡太郎弟秀衡
稱比凡五郎俊衡子師衡稱太田冠者兼衡
稱二郎忠衡稱河北冠者季衡子經衡稱新
田冠者俊衡居志波郡聞賴朝至燒城而走
遣三浦義澄等追之俊衡與三子及季衡父
子出降先是恭衡外祖前民部少輔藤原基
成居衣川館賴朝遣千葉胤賴招諭之基成

偕使者來降自師出四十餘日兩州平定自
清衡領六郡遂畧二州四世九十九年而七
賴朝割郡邑與從征將士撫慰土人其治一
遵秀衡之故規置兵鎮戍

東鑑



大日本史卷一百四十四終

大日本史卷一百四十四

六日本史卷一百四十四

...

...

...

...

...

...

...

...



